





第一二六册

四庫全書

●上海古籍出版社

本冊目次

梁
行年

谿

集(二)
狀譜

宋李綱撰
宋李綸撰

.....
一

欽定四庫全書

集部
梁谿集卷六十四至六

詳校官庶吉士臣張溥

侍讀臣孫球覆勘

總校官知縣臣楊懋珩
校對官編修臣章宗瀛
騰錄監生臣陳廷鎮

欽定四庫全書

梁谿集卷六十四

宋 李綱 撰

表劄奏議二十六

乞罷尚書左僕射第一劄子

乞罷第一表 乞罷第二劄子

乞罷第二表 乞罷第三劄子

乞罷第三表

謝罷相除觀文殿大學士提舉杭州洞霄宮表

欽定四庫全書

梁谿集
卷六十四

謝落職依舊宮祠鄂州居住表

賀天中節表

功德
附

謝移澧州居住表

謝復銀青光祿大夫表

謝除提舉臨安府洞霄宮表

大行隆祐太后崩慰表

乞罷尚書左僕射第一劄子

臣早間留身奏事嘗具誠懇于冒天聰以臣智識淺短

議論迂闊深恐不足以仰副陛下委任責成之意乞賜
罷免過蒙聖慈特加慰勞未從所請第深感泣伏念臣
愚蠢無取獨守孤忠遭遇陛下龍飛之初特加識擢起
於江湖之濱任以宰揆之職人言紛至虜斷不疑特達
之知曠古無有臣所以仰戴隆恩誓以死報夙夜匪懈
思竭犬馬之力以圖尺寸之功捍禦外艱銷弭內患使
中國之威稍振則二聖之還可期奉事左右復致太平
此臣區區至願也然而事有與願違者臣受材素拙稟

欽定四庫全書

宋史
卷六十四

二

性復疎材拙則不能適時之變通性疎則不能防物之
窺伺加以孤危之跡冒處寵渥之先趨操既已不同謀
議自然各異誠慮不能上體聖意協濟艱難虛負天下
之責周任有言曰陳力就列不能者止孔子有言曰所
謂大臣者以道事君不可則止臣非不貪戀陛下恩德
欲效涓埃然力有所不能道有所不可則臣豈敢虛負
寵榮久妨賢路伏望聖慈特降睿旨罷臣左僕射兼門
下侍郎職事除一宮觀差遣或守本官致仕臣自今月

十六日更不敢供職俯伏俟命干冒天威無任惶恐激
切之至

乞罷尚書左僕射第一表

臣某言已具劄子乞罷尚書左僕射兼門下侍郎除一
在外宮觀或守本官致仕伏奉詔荅不允者冒貢忱辭
祈歸政柄曲頒溫詒未諒愚衷輒輸肝膽之誠敢避再
三之瀆恩深志激言出涕零中謝臣聞明主用人進以
禮而退以義君子事上用則行而舍則藏矧當國家艱

欽定四庫全書

宋史
卷六十四

三

難之秋尤賴股肱協濟之力苟不勝任其敢冒居復念
臣樸鄙之資不足以適時寒淺之學不足以撥事誤蒙
識擢付以鈞衡詎勉百為箕荅丘山之賜侵尋兩月曾
無毫髮之勞爰莫助之慨其嘆矣經畧遠圖則以為迂
闊廷爭大議則以為擅專屢嘗借筭而謀實有掣肘之
患譬呼醫而吐藥石敢言瞑眩之期猶敦匠而止斧斤
難任斲削之事與其尸素曷若退休謹援周任陳力就
列之言仰遵仲尼以道事君之訓乞此骸骨歸於山林

伏望皇帝陛下照以離明運之乾健策驥驤之逸足捐
檣櫓之散材則能否各安其情用舍兩得其道愚臣既
不虛任天下之責廟畧亦以早致中興之功茲非飾辭
敢以死請謹奉表陳乞以聞

乞罷第二劄子

臣適具劄子乞降睿旨罷臣新除左僕射兼門下侍郎
除一在外宮觀差遣或守本官致仕伏蒙聖慈特降中
使宣押臣赴都堂治事仰荷天恩第深感涕伏念臣米

欽定四庫全書

御批
卷六十四

自踈遠誤沐眷知事功無毫髮之稱罪戾有丘山之積
自揆力小不足以任重且慮位高必至於疾顛仰無以
副陛下委任之恩俯無以行微臣欲為之志竊自慙懼
求即退休方虞斧鉞之誅迺荷寵光之逮載惟冒昧彌
切兢惶伏望皇帝陛下憐其孤忠照以睿智察臣非敢
輕為於去就憫臣實有所不得已而然斷自淵衷許從
所請則端揆之地不至於妨賢薦蹇之安得容於養拙
異時驅策誓極殫捐臣見不敢供職俯伏俟命干冒天

威無任惶恐激切之至

乞罷第二表

臣某言已具表劄乞罷尚書左僕射兼門下侍郎除一
在外宮觀或守本官致仕伏奉詔書批荅不允者精意
格天能動蓋高之聽危辭澀血願明難奪之心輕去大
恩非緣細故敢再陳其懇悃以必冀於矜從中謝臣聞
天子之君萬邦莫先於論道宰相之宅百揆無大於薦
賢方國家多難之秋尤將帥之材為急所以蕭何之於

欽定四庫全書

御批
卷六十四

五

漢必主韓彭有若房喬之於唐亦推英衛惟天下危而
注意將則四面立而國勢安顧兩河之土疆乃中原之
屏蔽名城堅壘崇巖相望高山大川蟠互交鎖風氣使
用武之習兵民堅戴宋之心因而用之靡不濟者隄防
修則泛濫自息藩籬固則堂奧可寧機會在於一時功
利收於百倍力陳至計幸契淵衷創招撫經制之兩司
擇張所傳亮為二帥所建議於靖康之末得朔部之民
情亮提戎於建炎之初有大將之規畧皆採衆論匪徇

私心齋壇既登戎車甫駕時靡旬日之久變生腹心之間樞庭降旨以沮所者踰千言宸翰從中以罷亮者方寸紙事同戲劇人為嗟咨而臣備位宰司誤膺國寄既不能以先見之明杜讒口又不能以至誠之意回天心復何面顏尚叨寵祿伏望皇帝陛下虛心體道公聽並觀憫臣謀所當為益專於保國察臣去不得已非薄於愛君特許罷於政機俾得歸於田里誓堅晚節仰荅鴻私謹再奉表陳乞以聞

欽定四庫全書

卷六十四

六

乞罷第三劄子

臣再具劄子乞降睿旨罷臣新除尚書左僕射兼門下侍郎伏蒙聖慈特降中使宣押臣赴後殿起居奏事及赴都堂治事仰荷隆恩之厚第深感涕之私臣竊以人主之任人莫大於用舍人臣之事君莫大於進退可則用之否則舍之無所容心者人主之道也見可而進知難而退不敢失義者人臣之職也方陛下斷自淵衷力排羣議而用臣必以臣為可以寄天下之安危圖天下之事

業以濟艱難豈特欲臣雷同取容以充位而已哉今者以謀事則迂疎而與衆不諧以薦材則乖忤而為衆不喜譖愬之言既至罪戾之跡日聞求欲協濟蓋亦難矣陛下將焉用之是不若舍之為愈也方臣荷陛下特達之知蒙委任之重不自知其淺陋欲盡犬馬之力以圖報稱豈敢辭難苟免為一身之計哉今者指摘之者其發既巧沮抑之者其言並彰辯直解紛之不暇求欲建非常之功於絕墨之外益亦難矣與其強顏以妨賢路是不若退之為愈也伏望皇帝陛下審用舍之權而使臣得全進退之節俾遂所請罷臣宰相職事除一在外宮觀或許守本官致仕使得稍逃官謗養疾丘園保全晚節則臣仰戴陛下天地父母之德捐軀之報其必有時臣見居家不敢供職俯伏俟命干冒天威無任惶懼激切之至

乞罷第三表

臣某言已再具表劄乞罷尚書左僕射兼門下侍郎伏

奉詔書批答不允者感激危辭數陳已極眷留緝禮當
荷尤難豈進退去就之敢輕蓋規矩準繩之難合軒墀
將遠涕淚交零中謝伏念臣一介孤生兩朝舊物以腐
儒而談軍旅之事以陋質而充柱石之材賦分窮奇殆
將天厭觸事齟齬似非人為適當雲起龍驤之秋自謂
千載一時之遇名從江海畀以機衡被宸章有忠貫金
石之言奉玉音有氣折四裔之訓恃眷知之有素忽覩
伺而不防凡所施為皆成罪釁其進銳者其退速物理

欽定四庫全書

卷六十四

固然以譽親者以毀疎人情應爾顧難得者可乘之機
會而所惜者已定之規模豈惟繫宗社之安危蓋亦本
生靈之休戚如臣用舍何足少多雖匹夫無不獲自盡
之功矧大臣有不可則止之戒敢言斯義仰戴必從伏
望皇帝陛下洞照微誠曲矜深懇俾退避於賢路以保
全於素心犬馬之戀無窮徒深跼蹐天地之恩難報終
誓康楨謹三奉表陳乞以聞

謝罷相除觀文殿大學士提舉杭州洞霄宮表

臣某言伏奉詔命除臣觀文殿大學士依前銀青光祿
大夫提舉杭州洞霄宮任便居住者上還印綬方虞譴
責之嚴退即田廬更冒光華之寵殊庭優禮祕殿清賓
拜命若驚拊躬增厲中謝伏念臣人微學陋志廣材疎
妄意功名象龍豈能致雨潛心文墨畫餅不足療飢當
艱難多故之秋被考詢非常之選代大匠斲已血指而
汗顏躡衆俊先宜擢髮以數罪念朝廷愛惜寸陰之日
非臣子貪戀寵利之時與其尸祿而妨賢不若乞骸而

欽定四庫全書

卷六十四

避路力祈罷免曲荷矜從五湖扁舟雖有慙於范蠡三
宿出畫猶竊慕於孟軻孤忠自憐大恩難報此蓋伏遇
皇帝陛下克仁天覆湯聖日躋審大君操用捨之權俾
微臣全進退之節情同犬馬悲跡遠於華軒身在山林
終心馳於魏闕

謝落職依舊官祠鄂州居住表

臣某言伏奉告命落臣觀文殿大學士依舊銀青光祿
大夫提舉杭州洞霄宮鄂州居住者輔相失職宜即明

刑天地有容祇從薄責恩深罪大感極涕零中謝伏念
臣乾坤腐儒閩海冷族遭朝廷之多故躡英俊以登庸
雖懷憂國愛君之心初無持危扶顛之術荷知特達思
圖報於涓埃謀已闕疎曾莫虞於機穽雖當身退尚致
人言顧瀝血安能明心雖擢髮不足數罪庸智有察覆
照無私寬其斧鉞之嚴誅處以江湖之善地姑錫秘職
尚領真祠此蓋伏遇皇帝陛下道大充天仁深湯網憐
臣寡與自取顛躋察臣孤危本緣忝直特曲憲章之峻
欽定四庫全書

宋六十四

十

俾需餽原之餘臣敢不循省前非並堅素守軒墀在望
莫施犬馬之勞恩輝所臨但傾葵霍之志

賀天中節表

功德頌附

臣某言伏遇今月二十一日天中節者星虹樞電協帝
王震風之期福海壽山罄臣子歸依之願矧嘗叨於宰
輔特仰被於眷知仰頌先年彌深封祝中賀恭惟皇帝
陛下聰明天縱齊聖日躋紹隆烈祖之丕基振起中興
之休運誕彌厥月寶開長發之祥壽考維祺宜膺天保

之報而臣比緣罪戾拘繫江湖殿陛稱觴莫遑駕鸞之
列雲天在望徒傾葵霍之誠

天中節功德疏

右伏以里社鳴而聖人生允協十齡之運應龍翔而霧
雨集咸傾四海之心輒輸向日之誠仰祝後天之筭皇
帝陛下伏願丕圖永固寶歷常新萬壽無疆振中興之
大業一人有慶庶國以咸寧

謝移澧州居住表

欽定四庫全書

宋六十四

十一

臣某言蒙恩以謫降官不許同居一州移澧州居住者
負罪遠屏去魏闕者再冬抱病連年走江湖者萬里僅
存殘息仰荷隆恩中謝伏念臣學不足以為己而欲推
之以為人謀不足以保身而欲底之以保國進不量其
淺薄退遂致於顛躋爛額焦頭何補救焚之道跋前疐
後自貽速謫之憂天地涵容日月清照雖遠從於譴斥
乃曲荷於保全迨此例邊猶得善地此蓋伏遇皇帝陛
下以智為燭所寶者慈憐其孤危之踪處之深避之所

尚叨厚祿以養餘生臣敢不銘骨知恩洗心念答情同
鳥雀願依湯網之寬仁德仰乾坤肯慕湘纍之獨介

謝復銀青光祿大夫表

臣某言伏奉告命特授臣銀青光祿大夫臣已望闕謝
恩祇受訖者負蒙投荒已荷聽還之賜棄瑕錄舊更邀
寵秩之頒仰佩恩光益深感涕中謝伏念臣賦材甚陋
造道弗優適當艱難多故之秋誤蒙考詢非常之選進
乏扶危持顛之策以為國退無防患寡過之術以保身

欽定四庫全書

卷六十四

十三

屢致顛躋有辜眷遇謫墮江湖之上茫如醉夢之中嶺
嶠逾年瘴癘為羣於魑魅海島萬里風濤幾葬於鯨鯢
得返中州特緣大需章丹書之初削豈舊物之敢期綸
綍既行士夫改觀此蓋伏遇皇帝陛下以道建極與物
為春棄六龍以御天奉三無以勞世察積毀之銷骨曲
賜保全念向隅之可悲每加矜惻致此屏庸之賔亦霑
甄叙之恩臣敢不凜雪前非激昂晚節山林待盡邀無
就日之期試敢愛君彌切後天之祝

謝除提舉臨安府洞霄宮表

臣某言伏奉勅命差臣提舉臨安府洞霄宮已望闕謝
恩祇受訖者鯨海聽還方棲遽於故里琳宮得請遽叨
沐於湛恩拜命若驚撫躬增愧中謝伏念臣斗筭小器
章句陋儒當艱難多故之秋有特達非常之遇力薄任
重宜自取於顛躋罪大愆深每曲蒙於覆護方且涵泳
恩波於大山巉巖之下更獲寅奉仙聖於殊庭真館之
間坐縻縻稍之優顏之厚矣願修香火之報天實臨之
欽定四庫全書

卷六十四

十三

大行隆祐太后崩慰表

臣某言今月初三日伏觀尚書禮部符四月十五日大
行隆祐皇太后崩者棄榮養於東朝頒遺誥於南國凡
曰臣子孰不哀摧臣某誠悲誠痛頓首頓首伏以大行

隆祐皇太后毓德明柔秉心淵懿正坤儀於元祐之日
復椒房於建中之初荐歷多艱蓋將有待當張楚僭偽
之際力主奉迎迨苗劉變逆之秋曲加保佑功在社稷
澤被烝黎雖高前古母后之風未孚萬國雖心之奉有
大德者必得其壽忝聞往哲之言以小疾而遽返其真
莫曉高穹之理恭惟皇帝陛下性敦仁孝念艱虞慎
終之典加隆報德之心罔極仙遊之浸遠悼慈容之
莫追願少抑於至情以永膺於多福臣限以在遠不獲
躬詣闕庭敬奉衣稱慰以聞

欽定四庫全書

梁谿集
卷六十四

七

梁谿集卷六十四

欽定四庫全書

梁谿集卷六十五

宋 李綱 撰

表劄奏議二十七

辭免荆湖廣南路宣撫使奏狀

辨謗奏狀

謝差中使傳宣撫問降賜茶藥表

已受告命再辭免奏狀

諭宣撫兩司職事乞降處分奏狀

欽定四庫全書

梁谿集
卷六十五

乞撥還陳照等人兵奏狀 乞差撥諸項人兵奏狀

乞將福建等路宣撫司錢糧通融支用奏狀

乞令福建等路宣撫司差撥兵將會合討捕曹

成奏狀

乞不許諸處抽差韓京等軍馬奏狀

辭免荆湖廣南路宣撫使奏狀

右臣伏奉告命除臣觀文殿學士荆湖廣南路宣撫司
兼知潭州軍州事填見闕仰荷聖恩不勝惶懼感激之

至伏念臣迂愚鄙拙初無材能當建炎初蒙陛下起於閒廢之中付以機柄之重備位宰司兩月餘日曾無毫髮之補負罪已深雖嘗乞身以退人言游至謗議沸騰自取顛隤屢瀕於死仰賴睿明察其無他終始保全卒因宥赦得歸中州繼復職秩竊祿宮祠誠為僥倖伏惟天地父母之恩何以論報今者又蒙大恩湔洗前愆彙瑕錄用進職秘殿委以荆湖廣南四路重寄顧臣何者罪戾之餘乃當此選所宜龜勉就職竭盡疲駑以圖報

欽定四庫全書

梁鉉集
卷六十五

稱而臣累年以來遭罹憂患深涉瘴癘之鄉疾病交攻氣血衰耗心志不寧動輒驚悸加有重腿足弱之疾行步艱難使當方面之寄深慮處畫顛錯有誤國事伏望聖慈矜憐特降睿旨追寢成命使臣得安閒散尋訪醫藥養病山林異時稍安蒙被驅策不敢辭難誓極廢捐以酬洪造所有告命未敢祇受見寄納福州軍資庫聽候指揮謹錄奏聞伏候勅旨

辨謗奏狀

契勛臣蒙恩除前件差遣起於閒廢之中授以方面之寄仰荷聖德彌深感激竊緣臣昨於建炎初為龍宰相得請以宮祠歸自後累有言章論列臣輔相無狀措置乖戾等事屢貽譴責罪覺實深不敢自辯今蒙朝廷湔洗錄用委以重寄內有所言事件與今來差遣相妨者若不披露肝膽控告君父力賜辯明則臣豈敢安心職事以圖犬馬之報謹具於左

欽定四庫全書

梁鉉集
卷六十五

一臣自建炎元年八月內乞罷左僕射職事蒙恩除

觀文殿大學士提舉杭州洞霄宮任使居住乘船欲歸常州無錫縣居止十月間至鎮江府聞有辛道宗下叛兵自秀州作過迤邐由蘇常前來即雇客舟由大江內以歸初不曾與辛道宗下叛兵相遇當時臣弟從事即綸在無錫縣與知縣郝漸商議說諭叛兵不曾焚毀邑廩臣是時方到鎮江府初不與知言者乃謂臣遣弟迎賊傾家貲犒設製緋巾數千頂以與之實為不根坐此落職鄂州居

住行諧者至引漢棄京房唐誅元載等語以實其事臣不勝惶懼殞越之至今來蒙恩宣撫荆湖正是盜賊區宇馬友曹成李宏楊華劉忠奮進韓京吳錫等擁衆多者十數萬少者亦數萬人跨據州縣遞相屠掠自餘盜賊千百為羣不可勝計若不宣國威靈廣行招誘則何以仰副委使輯綏一方緣有前件人言未曾辨明於今來職事實有相妨心不自安伏望聖慈特賜鑒察

欽定四庫全書

梁鑑集

卷六十五

四

一臣自建炎二年責居鄂州又移澧州感恩念咎杜門循省不見賓客惟修香火之緣讀誦佛書仰祝睿筭以致臣子拳拳報德之誠至於世故百念灰冷豈敢復與言者乃謂臣資囊士人上書詆訐朝政以圖復用非置之海島使與中原士大夫相絕則朝廷之禍難未已坐此責散官安置萬安軍臣不勝惶懼殞越之至今來蒙恩宣撫荆湖廣南四路當盜賊猖獗民力彫瘵之時若非與賢士大夫

相接議論商榷休戚利害而力行之庶幾毫髮之補則何以仰副憂勤圖治之意緣有前件人言未曾辨明於今來職事實有相妨心不自安伏望聖慈特賜鑒察右謹具奏聞干冒天威無任戰越激切屏營之至伏候勅旨謹奏

謝差中使傳宣撫問降賜茶藥表

臣某言伏蒙聖恩以臣除荆湖廣南路宣撫使兼知潭州特降中使傳宣撫問敦遣赴任賜臣茶藥銀合

欽定四庫全書

梁鑑集

卷六十五

五

各一具臣已望闕謝恩祇受託者久去天墀徒深葵藿之志遂迂星使特頒雨露之恩祇佩寵光彌增感涕臣某中謝伏念臣一介腐儒三朝舊物荷聖神之知遇念

終始之保全辯醜詆於豺狼當路之時脫餘生於蛟鰐垂涎之口恩輝厚矣報稱蔑然迨至命帥以總戎乃復棄瑕而用舊式頒異數昭示眷私滌煩以北苑之靈芽損疾以尚方之妙劑寶奩深貯溫詔延敷穆如清風之慰心恍若沉疴之去體夫何孤陋有此遭逢此蓋伏遇

皇帝陛下聖德日躋神心天運公生明而忠邪自辨道乃久而是非日明故於起廢之間示之體貌欲使錫命之際知所勸懷臣敢不仰體皇慈深求民瘼布宣威德庶收藥石之功慰撫蒸黎俾知飢渴之解願圖尺寸之效以答乾坤之私臣無任感天荷聖激切屏營之至謹奉表稱謝以聞臣某誠惶誠懼頓首頓首謹言

已受告命再辭免奏狀

右臣昨於三月二十八日准樞密院差使臣齋到告一

欽定四庫全書

梁鉉集

卷六十五

六

道除臣前件職名差遣臣以疾患未敢祇受牒送福州軍資庫寄納具奏狀辭免恩命交付差來使臣齋赴行在投遞今月初九日承尚書省劄子四月七日奉聖旨令入內侍省差內侍官一員前去敦遣疾速起發赴任仍宣賜茶藥銀合續於初十日入內侍省西頭供奉官于蓋到臣居止降賜傳宣撫問臣仰荷聖恩不勝惶懼感激之至已力疾祇受告命望闕謝恩訖重念臣學術空疎智識淺短徒以孤忠誤蒙知遇當陛下

龍飛之初首膺考慎之選迂拙寡與自取顛隳仇怨造謗必欲寘之死地仰賴聖慈洞照誣妄終始保全使得視聽食息以至今日天地大恩非臣靡捐所能報稱今者又蒙眷獎棄瑕錄用加以秘殿隆名委以數路重寄匪領溫詔禮意便蕃顧臣何人可以當此竊緣臣積年憂患之餘血氣早衰心志彫耗自去歲以來又感早濕得腰脚重脆之疾行步艱難深恐總戎討賊撫循疲民措置失宜有誤國事雖仰迫天威不敢不黽勉就職進退維谷夙夜靡遑伏望聖慈察臣懇悃非敢託疾辭難避事特降睿旨檢臣前奏許令罷免依舊宮祠追還成命以安愚分千冒天聽無任戰越之至臣見擇日開司進發上道迤邐前去建昌軍以來聽候指揮謹錄奏聞伏候勅旨

諭宣撫兩司職事乞降處分奏狀

右臣契勘祖宗以來所置使名莫重於宣撫多以見任宰相執政官充使韓琦范仲淹等皆嘗為之近來知樞

欽定四庫全書

梁鉉集

卷六十五

七

密院張浚宣撫陝西四川參知政事孟庾宣撫福建江西京湖南北路皆見任執政無可議者如臣蒙恩起於閒廢之中使守藩方亦帶四路宣撫之名實為叨冒兼孟庾已充荆湖南北路宣撫使韓世忠副之朝廷付以重兵委之平殄羣寇今又除臣宣撫荆湖事體重疊實有相妨借使諸處盜賊一司欲令招納一司欲令討捕不知何所適從諸州錢糧一司欲令支用一司欲令椿留不知如何遵稟以至節制諸將軍馬辟差州縣官吏欽定四庫全書

張浚集
卷六十五

乞撥還陳照等人兵奏狀

據統制官任仕安劄子契勘仕安所統軍馬元有統領官陳照馬準下人兵共為一軍計二千八百餘人承宣撫使司劄子備奉聖旨指揮於辛金宗下揀選精銳共成三十人付仕安存留福建路彈壓未曾揀選間家宣

撫司就差陳照馬準於南劍州駐劄續於三月初五日准宣撫司劄子備奉聖旨改差仕安帶所部軍馬隨逐荆湖廣南路宣撫使前去潭州之任其陳照馬準亦是仕安所部之數近承福建路安撫司將陳照馬準下人兵一千五百人別作一項申乞存留福建朝廷不見此係仕安所部之數已依所乞竊緣陳照馬準下人馬皆是仕安使喚慣熟之人如撥留福建仕安所部人兵見在止有一千三百餘人顯是軍少不成軍伍今來朝廷已差申世景下軍馬前來福建近已入境欲乞申明朝廷將陳照馬準下人馬依舊撥還仕安軍中部領隨逐荆湖廣南路宣撫使司前去庶得合成一軍討捕盜賊不致誤事尋牒福建路安撫司會問因依據知福州燕福建路安撫使程邁公文四月初二日準樞密院紹興二年三月二十七日劄子據福建路安撫司申奏契勘本路事平之初人情未安生計未備兼建州之民素多兇悍乍得放散歸業未肯甘心隴畝竊慮依前嘯聚乞存

張浚集
卷六十五

留馬準陳照下人兵一千五百人及別無近上統制官
彈壓乞別選精銳一千五百人前來進陳照馬準下人
兵共作三千人於上四州軍屯泊右奉聖旨令武功大
夫神武前軍統領申世景將帶所部人馬前去福州駐
劄彈壓并已差陳照馬準軍馬并聽福建路安撫司節
制又准樞密院四月二日劄子樞密院奏勘會已降指
揮令神武前軍統制申世景將帶所部人馬前去福州
駐劄彈壓契勘申世景本部止是一千二百餘人竊慮
數少緩急使喚不足右奉聖旨令單德忠帶領水將官
兵隨申世景人馬前去福州駐劄權隸申世景下使喚
候到本州並聽安撫司節制者

欽定四庫全書

樞密集
卷六十五

十

右臣契勘任仕安下元係統領官三員陳照馬準李建
共計人兵二千八百餘人合成一軍並是任仕安所部
昨降指揮同存留福建路聽安撫司節制分撥任仕安
李建在建州駐劄陳照馬準在南劍州駐劄二月八日
准尚書省劄子除臣荆湖北等路宣撫使就韓世忠下

撥高舉一項人馬八百餘人隨逐前來之任續准尚書

省劄子樞密院奏勘會已降指揮令李某將帶高舉一
行人馬前去潭州之任竊慮韓世忠下關人使喚奉聖
旨以差任仕安將帶所部軍馬隨逐前去其高舉一行
依舊聽韓世忠使喚省劄既到之後福建路安撫司却
將統領官陳照馬準下人兵別作一項陳乞存留福建
並不聲說元係任仕安所部軍馬致朝廷不見得前項
事因已依所乞存留其統制官陳照下計七百八十六
人馬準下計七百一十四人除兩項存留外任仕安并
李建共止有一千三百餘人顯是單少分撥部伍不行
令來朝廷已再差申世景單德忠兩項軍馬約二千餘
人前來福建伏望聖慈特降睿旨將統領官陳照馬準
下人兵依舊撥還任仕安所部庶幾稍成軍容實係國
體

乞差撥諸項人兵奏狀

右臣准尚書省劄子勘會已降指揮福建江西荆湖南

欽定四庫全書

樞密集
卷六十五

十一